

南
潯
鎮
志

物產

汪曰楨撰

南潯鎮志廿四

穀之屬

秔稻

糯稻

秈稻

地宜水稻早熟曰早稻晚熟曰晚稻名目甚多大約

糯少於秔秔又少于糯又有香秔香糯則種者愈少卽雲仙雜記所謂吳興米炊之甌香者也地狹人稠本地所出之米納糧外不足供本地之食必賴客米接濟湧幢小品云俗有占米之稱不曉所本問之亦無能言者蓋宋大中祥符間遣使至占城國取種三萬斛并樹藝法傳入中國自是始有占稻其名曰冬占五十日占三十日占等數十種云按占米卽早稻也今其名無復知者冬間鄉民出糶新米謂之米市喧闐亞於絲市潯錄云本鎮所產糯稻有香梗糯杭州糯等名而造酒則以茄糯芝麻糯觀音糯爲最

小麥 穞

麥 卽穞麥按牟爲大麥來爲小麥尋地無牟卽呼穞麥爲大麥二麥與菜子俱收所謂春花也每當春晚麥

離菜畦青黃相間最爲一年佳景二十年來 觀音粟

冬春每苦水潦艱於車戽植春花者漸少矣

亦呼蘆粟 卽玉蜀黍

豇豆 青紫二種長者曰裙帶豆

豌豆 俗名寒豆

名一

藕豆 名一

羊眼豆

赤豆

大小二種

黑豆

小者曰

刀豆

菉豆

黃

豆

青者曰毛豆

蠶豆

蠶時熟故名按諸豆唯毛豆蠶豆爲多其餘種者較少

孫燮蠶豆

百穀種難分唯豆尤多族茲豆以蠶名熟

時蠶在箔短幹無蔓生矮棚不須縛花披錦歲蕤茨
孕珠錯落微雨夜來過平疇濕如沐小摘滿筐宮荷
擔入市鬻豪門婪尾讌酒食互徵逐嘗新配櫻桃色
取間朱絲或將和飯煮開甌香馥郁一餐聊可加經
月不思肉或揉入粉粢青瑤嵌白玉持以作餽糧絕
勝飯裹箸側聞野人語今年蠶倍熟家家看上山坐
待雪繭作想見茅簷底笑聲樂復樂煮豆當夜餐婦

子各鼓腹幾日南風吹槐花黃屋角豆老餘枯其新
絲已脫軸感物時易過記候名非錯誰補幽風圖寫

景上橫幅

蔬蔬之屬

韭

春初韭芽尤美

蔥

有胡蔥龍爪蔥

蒜

大小二種

薑

薑油

菜子可榨油爲春花之一俗名薑心菜

白菜

亦名晚菜卽菘也俗稱鹹齋菜宜醃藏禦冬

黃芽菜

亦菘類

小白菜

芥菜

有紫芥白芥

雪裏蕻

亦芥類可

藏

菠稜

香青菜

亦名香珠菜又有豬搖頭同類以豬所不食故名

莧菜

有白莧紫莧又有馬齒莧人多不食

薺菜

俗名野菜

蒿菜

馬蘭

蔞葵

俗名

葵

今名錦葵又有蜀葵秋葵向日葵唯向日葵子或燭食之無食葵葉者

菲

俗名

諸葛菜按諸葛菜卽蔓菁本名葑潁地無葑乃呼菲爲諸葛菜以其同類也野生雖多人亦不食

菰

筍

一名茭白出太湖旁近鎮漾灘亦間有之

芋

紫梗白梗二種

薯蕷

即山藥其子名零餘

子

茄

瓠 俗名活盧

匏

俗名葫蘆

辣茄

亦呼番椒

冬瓜

南

瓜

即番瓜一名飯瓜又有皮多癍瘰者俗名癍瓠番瓜

菜瓜

即生瓜亦名膏瓜

黃瓜

絲瓜

香瓜 亦稱熟瓜

苦瓜

即錦荔枝

葇

人畏其毒無採食者

按近年民習游惰植蔬蕪者漸少間有種者每為鄰里所竊乃相率日趨於惰矣

果之屬

梅

和鹽漬曬乾捶碎其核曰霜梅或以沙糖漬之

桃李

枇杷

林檎

俗名花紅

橘

橙

金橘

香

櫟櫻桃

木瓜

銀杏

一名白果

石榴

棗

柿

有剉皮柿

倒香又有銅盆柿火珠柿金鉢孟柿別有牛爛柿即君遷子

無花果

葡萄

慈

姑

勃齊

即地栗

蓮藕

菱

有水紅菱沙角菱燒角菱醒餽菱煮熟鬻於市曰熟菱

老菱

次

雖有而甚少

按近地栽桑之外苦無隙處植果甚少市井所鬻大抵販自他處

董載昌薄溪竹枝詞采蓮歌罷采菱歌兩槳綠流幾度過夜半舟迷何處問一聲欵乃入斜河

溫曰鑑種菱詞采菱渡石埋平蕪茗雪遺俗輸菱租畫波碧篠牽茅索彷彿溝塍紛繡錯浮根著泥如種蓮翠婉紅嬌一色鮮秋來漸見冰花吐越女歌聲起前浦

花之屬

梅

桃

李

木瓜

俗稱木瓜海棠

石榴

桂

有金桂銀桂

桂四季桂一名木樨或以桂蕊鹽漬雜以橙皮蘇子點茶甚香

玉蘭

紫者曰辛夷

紫薇

紫荊

海棠

有西府垂絲貼梗等名

山茶

蠟梅

荷

郁

李

梔子

瑞香

丁香

木芙蓉

木槿

杜鵑

朱藤

薔薇

木香

月季

又有十姊妹花

繡毬

又有八仙花

棣棠

牡丹

名目甚繁本地所有唯小桃紅玉樓春二種為多

金絲桃

夾

竹桃

秋海棠

紅白二種

荷包牡丹

或云即上當歸

芍藥

蘭

蕙

菊

有洋種有細種名目甚多五色皆備

藍菊

又有五月菊六月菊

萬壽

菊

苦蕒

俗名滿天星即野菊

滴滴金

即旋覆花

西番蓮

范階漢口叢談

云花心圓圈弄之回環不窮取之不脫有鬚一百八數

僧鞋菊

夜落金錢

夜來香

珠蘭

茉莉

即野茉莉子可燻食

野薔薇

一名刺梅花俗名倣絲花

罌粟

道光中禁吸鴉片并禁植此花其種遂絕又有虞美人同類

迎春 金雀 長春 卽金盞花 石竹 卽瞿麥一名洛陽花 翦春羅

又有翦秋紗 萱 牽牛 忍冬 卽金銀花 射干 卽胡蝶花 山丹

卽紅百合 玉簪 卽白鶴花亦有紫色者 鳳仙 雞冠 女蘿 水

仙 千日紅 亦有白者 水木樨 又有鳳頭木樨 雄黃杯 紅蕉

卽美人蕉 雪蕉 白蘋 蓼 蘆荻

陳可升雪蕉 臥山案頭盆有此種高僅三四寸春末開花成穗潔白而香 摩詰芭

蕉圖積雪時人笑不合時宜蕉花看到香如雪硯北

相依物更奇

草之屬 芋 那典書城雜著云雁頭中有絲可和粉食 藍 稗 莠 卽狗尾草

蘭 俗名省頭草 茵陳 蒲 艾 茺蔚 卽益母草 蛇牀 藿

香 香薷 薄荷一名 薄荷 紫蘇其子俗呼北子 夏枯草 大

青 小青一名 淡竹葉 猗薹 甘蔗即芭蕉 土三七 地

黃 土牛膝 麥門冬 蒼耳 酸漿一名 燈籠草 車前

即茺菑俗名觀世音草亦稱打官司草 鰾腸即旱蓮草 扁蓄 地蜈蚣

蒲公英即黃花地丁又有一作瓜蒌根 土大黃或云即酸模或云即商陸 栝樓

即天花粉 何首烏即夜交藤 木蓮即薜荔其子名鬼蓮蓬又名鬼饅頭

夏日采揉以井水茄汁點之如腐可食日涼粉俗呼風湖 葛蒲細葉者曰石菖蒲 石斛

虎耳草俗名金絲荷葉 薦不食草即石胡荽 酢漿俗名酸梅子草

地錦即醬瓣草 雁來紅一名 老少年 白草狀如韭色純白 翠雲草

萬年青 吉祥草即解癰草 如意草 萍 荇 藻

蔣

一名芡

苔

瓦松

一名昨葉何草俗名瓦花

促織草

俗呼蟋蟀草

明董說蘭草

古蘭也世稱醒頭草

蘭花與蘭草種別不相如所

以端古學亦先分偽書話行采藥地香緩讀騷餘帶
屋水如鏡安名好借渠

又促織草

有

有草焉青而歧其首鬬促織者撚草拂

其鼻間踊躍鳴鬬江南名促織草。促織鼓秋翅威
憤秋風前同聲亦何怨鬻首誓軀捐高鳴威勁敵露
銳擣餘堅勝負裂須臾涼雲流遠天江南有秋草綠
質歧其顛探入少年場穠剝絲少蠲茸茸散旌旄飄
若竿首懸臂一鼓作氣拂齒聲填然相當決前陣戰

罷委青壇秋蟲枉死勇秋草用能偏相看蟲戰場悲
欣浪纏絲動植各矜長適性貴相全挑怒效微能勝

殘思古賢

木之屬

桑

歷條分種謂之桑秧有地即栽無一曠土若紀云土人呼桑為葉有頭葉二葉之稱湖錄

云按種樹書桑以構接則桑大故吾鄉所植之桑多接過謂之家桑未接者謂之野桑家桑子少而大野桑子多而小子名甚俗名桑果可啖

柘

松

又有羅漢松白皮松

柏

梓

梧桐

子生葉上可食

槐

榆

棟

椿

嫩葉可茹

檇

俗名臭椿

烏桕

子可榨油為燭

冬青

石枏

穀

一名楮湖錄云穀從木若

從禾則為五穀之穀

樟

樸

阜茨

柳

水楊

白楊

黃

楊

檉

俗呼觀音柳

椶櫚

櫨

一名無患子又名菩提子可為念佛珠東藏寺中有

一木

鐵樹

南燭

一名開天竹

椒

枸杞

俗名眼靈頭嫩苗可茹根即地

皮骨

五加皮

桑寄生

筴竹

即光竹

護基竹

一名哺雞竹筴

食可

按鄉間隙地無不栽桑惟墟墓廟宇園亭始植木故諸木雖有而皆不多也

禽之屬

雞

鴨

鶩

鵠

雀

燕

雁

野鳧

亦稱野鴨

出太湖近鎮漾灘亦間有之冬日羣飛食稻頗為農害

鷓鴣

鴛鴦

鸕鶿

鷺鷥

鷗

鷓鴣

俗名木鷗

雉

俗名野雞亦稱山雞冬間田野有之良民無鳥銃捕

之不易有私蓄火器者又不屑捕故鬻者頗少

鷓鴣

白鷗

一名壽帶

斑鳩

鴈

即布穀

桑扈

即蠟

鸚鵡

即八哥

畫眉

鷓鴣

即百

舌

黃頭子

又有綠頭子十姊妹

啄木鳥

烏

鴉

鵲

白

頭公 葉貴了 灼山看火 此上二種至 翠鳥 鷹

鸚鵡 即魚 鵒 俗名貓 鵒 俗名貓 鵒

方熊葉貴了記異葉貴了叫到黃昏叫到曉五百青

錢二十斤朝買黃金夜買寶沿村奔走盡正飢與盡

衣裳不一飽葉貴了從多少譜作禽言樂府詩灾異

流傳警遺老

獸之屬 豬 羊 胡羊山羊二種胡羊為多鄉 牛 黃牛

二種薄地不用牛耕唯用以轉磨油車用水牛麪坊或用黃牛私宰鬻食者假名鹿肉雖屢禁不能止也冬春

有育子母牛 狗 貓 即狸 鼠 又有田鼠 鼯鼠 即鼠

而賣其乳者 白兔 有畜以為玩者或云 松鼠 大者曰 白鼠 此

二種並畜
爲玩物

獬 俗名刺
栗部

獬 猪獬利
獬二種

水獬

唐陸龜蒙記稻鼠乾符己亥歲震澤之東曰吳興自

三月不雨至於七月當時汙坳沮洳者埃塋塵勃濯

穢支派者入扉屨無所汙農民轉遠流漸平聲稻本晝

夜如乳赤子欠欠然救渴不暇僅得葩拆穗結十無

一二焉無何羣鼠夜出齧而僵之信宿食殆盡雖廬

守版擊毆而駭之不能勝若官督戶責不食者有刑

當是而賦索愈急棘械束榜箠木肌體者無壯老吾

聞之於禮曰迎貓爲食田鼠也是禮缺而不行久矣

田鼠知之後歟物有時而暴歟政有貪而廢歟國語

曰吳稻蟹不遺種豈吳之土鼠與蟹更伺其事而効
 其力殲其民歟且魏風以碩鼠刺重斂碩鼠刺其君
 也有鼠之名無鼠之實詩人猶曰逝將去汝適彼樂
 土況乎上拊其財而下啗其食率一民當二鼠不流
 浪轉徙聚而為盜何哉春秋螽蟥生大有年皆書是
 聖人於豐凶不隱之驗也余學春秋又親蒙其灾於
 是乎記

鱗介之屬

龍

相傳垂虹橋下有孽龍故以晏公廟鎮之

蛇

時蠻蛇最多馴良無毒唯夏至

後半月三時有毒故名又有赤練竹節青梢等名蛇蛻
 入藥品又有金絲蛇一名如意蛇即夢溪筆談所謂天
 蛇也又有水蛇明時通津橋有巨
 蛇橫亘如木眼如燈火不傷人

鯉魚

鯽魚

即白鯽

鰱魚

即花鰱亦呼胖頭魚

鯪魚

即草魚

青魚

鯮魚

有刀鱗

鮒魚

即鮒魚

魴魚

即魴魚

鰻魚

鰻魚

一名鯮俗名白絲

黃鱮

即鱮魚

鱧魚

俗稱黑頭

鯪魚

即鮎魚

鱖魚

一名黃鰠

鯪魚俗呼汪牙

杜父魚

一名土部亦稱蕩部俗名鱧鯉三月入市者佳謂之菜花鱧然無四腮非

真鱧也

鮠魚

鮠魚

即赤眼魚

紅白魚

出太湖近鎮亦間有之

銀

魚

又有鱖魚一名針口魚相似大者名鱖殘魚出太湖及鴛鴦湖為多潯溪亦有之

斑魚

俗名

吹肚公似河豚而小無毒或謂即河豚者謬

逆魚

俗名土魚出西柵市河唯黃梅時有之水漲則

逆流而上故名形小而味甚美

魴魴

似魴而小亦呼魴姑

鰻條

似鱖而小

鰻鱺

鰻

鰻

湖錄云凡有數種米鰻糠鰻以精粗名也青鰻白鰻以色名也今鄉土蠶天出

小白鰻俗名蠶白鰻志彙云按今呼蠶鰻湖人多禁忌以俗語謂荒為白故諱言之

龜

或云畜之可辟

火又有綠毛

龜呷蛇龜

鼈

俗呼甲魚亦曰水雞

蟹

蟛蜞

俗讀如妍

蚌

俗名水菜

蜆

蜃

羸螭

大者曰田羸小者曰湖螭亦稱海螭

金魚

亦稱火魚

紀官銀魚誌異

節錄

自茗城至潯約七十餘里自潯至

平望五十餘里皆茗水所經也雖其間少曲而南北

闊狹如帶焉其產魚蝦菱芡無異獨銀魚淨滑如蓴

絲長二寸許尾尾相似束之可齊也春夏之交浮水

而來村人往往於橋梁田岸取幅布撈之殆無虛舉

唯潯以西至東阡十餘里間絕無豈土之有異耶抑

魚之不來也然潯以東何又數見也

曹仁虎潯溪竹枝詞 吠蛤連村夏漲初平田如罽綠

秧疏銀刀出網剛三寸梅雨聲中賣土魚

蟲之屬

蠶

蠶必四眠四起亦有三眠者即柘蠶也食頭葉者曰頭蠶食二葉者曰二蠶俗呼蠶寶寶

又有野蠶桑上自生

蛙

俗名田雞吳興備志引車若水腳氣集云朝廷之禁捕蛙以其能食蝗故也

蝮

即吠蛤

蝦蟆

俗呼癩黿亦云癩團

蚪

俗名田雞烏兒亦云田雞蛇朵

蜜蜂

里無蓄蜂之家而春日花開時羣飛甚多

黃蜂

即胡蜂露蜂房入藥品又有鐵胡蜂

獨脚胡蜂等名

蠚

即細腰蜂

螳

又有飛螳白螳

螳螂

子即桑螵蛸

蚝

俗名刺毛其窠名雀窠

毛蟲

蓑衣蟲

蛱蝶

蜻蜓

壁錢

一名壁鏡俗名壁蟾本草綱目謂其有毒蔽人至死者乃壁鏡蟾非此蟲也

蜘蛛

蠅虎

頭當

即爾雅王蛭蜴俗名駱駝

蟻

即桑蟲

蚱蟬

俗名蛙螳

楊甲

蝮

螢火

蠲

俗名火百脚

衣魚

即蠹魚

塵蟲

一名土龍

一名地鼈一名
灰鼈能制白蠹
鼈馬一名
鼈雞
蜣蜋
臧蜋
蚱蜢
即

益又有蝗蟲蘆蟲等並
同類唯阜蟲不害稻
蜈蚣
俗名
守宮
俗名
蟻
即

蝮
蜥蜴
蝮
即蝮
蚯蚓
俗名
水黽
俗名水
鼃蟲

水蛭
即馬蟻又水中小蟲俗名劬斗蟲能化為
蚊又有形如蠶者名蠶花或取以飼金魚
青蟲

能化
為蝶
蠨蛸
俗名蠨
燈蛾
叩頭蟲
蟹
一名壁蝨
即臭蟲

蚊
有花蚊即豹腳也又有高腳蚊出湖
濱麻地秋初或遇北風則羣至尤毒
蠅
蚤

蝨
洋蟲
形如螢火而無光以竹筒蓄之可作藥餌有
無名氏洋蟲祕旨一卷述其功用甚備蓋溫

中活血
之品
絡緯
俗名紡績蠶亦名絡絲蠶亦名織絹蠶
小頭尖者曰剪刀蠶又有叫哥哥小

者曰
蟬
即促織俗名蟋蟀秋時有鬪蟋
蟬之戲爭賂財物謂之鬪蟋場

汪延澤洋蟲難從本草證圖經厥狀如蠲復似螢和

扁真傳嗟久絕微蟲羣詔祕方靈

布帛之屬

絲

潯溪文獻云湖絲甲天下著在維正而陶朱公致富奇書云縑絲莫精於南潯人蓋

由來久矣每當新絲告成商賈輻輳而蘇杭兩織造皆至此收焉按舊以七里絲爲最佳今則處處皆佳而以北鄉絲爲上又舊有合羅串五肥光荒絲等名今唯細者可織綢綾潯地以細絲爲主肥絲行有招接廣東商人及最盛列肆喧闐衢路擁塞其絲行有招接廣東商人及載往上海與夷商交易者曰廣行亦曰客行專買鄉絲者曰鄉絲行買經造經者曰經行別有小行買之以餉大行曰劃莊更有招鄉絲代爲之售稍抽微利曰小領頭俗呼白拉主人鎮人大半衣食於此近年士人艱于謀生亦多習絲業矣每年杭州委員來鎮採辦北帛絲官發價銀計西北二柵廣篷二百零五斤鄉篷九十五斤經篷一百二十斤東南二柵廣篷一百斤鄉篷一百四十斤經篷一百四十斤共八百斤高士奇金鼈退食筆記云西十庫在西安門內向南丙字庫每歲浙江辦納本色絲縣合羅絲串五絲荒絲以備各項奏付

經經讀去聲合二絲為一以經車紡之成經必塗以錫

代紡而受其縣頭蠶同功繭縣為上蛾口繭縣次之

直日料經俗名縣鬼文獻云四五月間居民競

相營治或從外方買繭為之或有將繭鬻於鎮者奸偽

者盛用豆粉揉之又碎器屑石膏末撲入希重牟利謂

之藥繭黃繭外毛衣 澠花以薄繭及尿暈 滯頭

一名箕頭以軟繭為之即縑絲之後蠶蛹身上所留薄

衣也此上三種皆煮熟承之以箕浮水上棊擊之並可

撚縣線總絲拖頭縑絲時所棄散亂無 苧線為製

名水絮縑者亦可撚縣線 苧線鞋底

之用無織棉紗遇陰雨烘之又云軋車以木為之形

苧布者如三足几坐則高與胸齊上有兩耳卓立空耳之中置

木軸一徑三寸有柄在車之左以右手運其機向外復

置鐵軸一徑半寸有輪在車之右以左手運其機向內

皆用木楔籠緊中留尺許地取花塞兩軸之隙而手足

背運則子自內落無子之花自外出若雲縵蹙然名花

衣又云彈花弓刻木所為長五尺許上圓而銳下方而

闊弦粗如五股線置弓花衣中以槌擊弦作響則驚而
騰起散若雪輕如煙名熟花衣於是約熟花衣作帶形
削細竹一莖爲心一手執其末一手執木板覆之一推
一卸花衣乃捲竹上卽抽出此竹其狀外圓而中空名
條子又云手車有兩耳疊立矮木牀上夾一大竹輪於
中其挺有木承之然後以粗線環挺末及輪輪心有軸
穿耳端出人以一手搖輪一手曳棉條而
成一縷如繅繭絲繞挺而積是名棉紗
左手擎之置縣於又上又有木挺貫銅錢十數文上貫
蘆管其形如錘以右手旋轉撚縣成線繞管而積曰打
縣線劉沂春縣志引湖婦吟云蛾口不作絲作縣還打
線左手擎縣又右手蘆錘旋縷轉如妾心一日幾千遍
是布棉紗以經牀經之乃穿筵上機織成闊者曰大
也布狹者曰小布大抵以窳密縷勻色白爲佳諸
鄉所出南路爲上俗稱南莊布西路次之經布時染草
汁以記丈尺名曰帑俗作摸者謠又有棋花布以青白
縷相間織之更有用
五色縷者名錦布
縣紬以縣線織之純縣者爲佳
者較少湖錄云縣紬高低不啻倍蓰佳者謂之杜機惡
者謂之客紬客紬惟以漿勝雖鬆薄易于動日杜機有

水縐不甚裝飾而價比
客絀爲昂稱爲勸著云
野蠶繭野蠶成繭前史書以爲瑞而吾鄉年年有之雖每年或多或少然未嘗絕也五六月採一次八月又採一次鬻諸雙林鎮爲織包頭紗之用此農家自然之利也

施國祁吉貝居暇唱自序

節錄

去南潯之東百里而遙

地沿海田之高仰者宜木棉其鄉民大半植此夏種秋收採積既多卽捆載而易錢於西賈潯之西百里而近地多岡阜爲茶栗竹木山場俗少女工時因其地之所出亦捆載而易布於東賈潯市居其中四鄉之人自農桑外女工尚焉推車踴以紡綫織機率家有之村民入市買棉歸諸婦婦女日業於此且篝燈

相從夜作亦一月得四十五日工計日成匹旋以易
棉蚩蚩續來不已市之賈俟新棉出以錢買於東之
人委積肆中高下若霜雪卽有抱布者踵門較其中
幅以時估之棉與布交易而退隨有西之人齎錢來
計布值合則書劑與之去而錢存焉姻家盛氏業此
者久有別肆在北市收瀕湖溇港之饒事煩繁夥屬
余綜理之肆後有小室題曰吉貝居志本業也

孫燮木棉四詠碾花碾穀去其皮碾花去其核碾牀
三尺高旁有一槌設手足蹋且搖終日勞搯搯茹柔
吐其剛如食肉舍骨又如渣滓盡彌使文章潔其核

亦不棄換油燈可熬嬌兒放學歸遊戲弄白雪呼兒
戒勿近須防槌轉瞥○彈花楊花隔牆飛疑是三月
天深閨埽地淨有女彈木棉弓長木杵短彈之聲鏗
然一彈花始活再彈花愈鮮百匝彈不止花滿頭上
銅攤地白如雪鋪牀軟勝甌青樓如花女生小弄管
絃卻笑寒女拙彈花過年年○紡紗挂壁一燈明車
聲伴鳴蛩寒女喜夜永紡紗作生活紡車竹作圈旋
如斗柄幹下承以鐵鋌棉紗抽乙乙細過東門麻白
比越女葛晝夜竭經營兩不到七八寒機尚少緯布
織何由脫努力到宵分無使阿婆聒○織布數月理

棉紗纔得上機織，筵比髮梳細梭如飛鳥。亟天寒苦
晷短日織能幾尺，成匹待何時。篝燈勤永夕，今年花
價昂。貿布反減直，辛苦爲誰忙。無乃空費力，富家兒
女驕。紈綺恣狼藉，豈知寒女心。日夜憂布匹。

董蠡舟潯溪棹歌
緇額吳綃摺幾重，腳釭炭鑿撥灰。

壅棉紗紡到荒雞唱，已聽禪堂動曉鐘。

范銅爲鑪貯火以暖足俗

謂腳釭 ○ 緇號同功白似肪，持叉撚向柳陰涼。安心轉

若蘆錘旋，只願郎情綫樣長。

董恂潯溪棹歌
一絲絲向手中抽，叉上蘆錘旋不休。
裁作衷衣稱郎體，競誇勤著杜機紬。

飲食之屬

酒

文獻云三白爲上梅花福橋甘菊五加皮之類隨意和釀或取其香韻或取其裨益

優劣以麴之粗細米之精糙爲差而潯之獨勝者以水耳水出自北柵萬壽庵前爲真潯水可醞者稱酒大工湖錄云烏程之潯溪其酒聲聞釐下曰潯酒其白酒有八月白秋露白十月白過冬清數名燒酒以好酒糟燒之取其上蒸之氣董志云酒有三白謂白米白麴白水也俗稱之曰好酒釀自臘月者名冬酒較春酒尤能久貯取潯溪河水釀之因得潯酒之名又有狀元紅香雪東陽小春綠豆諸種其法俱於六七月以麥麴之精良者雜白水作麴置陰處風中令燥蒸白糯米成飯以麴和飯入酒甕內甕中候嘈嘈有聲以木杷撥通其氣蟄息而止月餘漚以密緇瑩然分貯瓶罌而釀成矣袁枚隨園食單云湖州潯酒味似紹興而清辣過之亦以過三年者爲佳按東陽酒亦曰冬釀酒以白酒代水再如造白酒法作之盎然色碧味甘爲他處所無白酒初成未攪水者曰酒釀亦曰漿頭酒味尤甘好酒亦曰黃酒必煎熟然後盛甕封泥故冬曰冬煎春曰春煎未煎者曰生泔酒味鮮而不能久貯燒酒以糟燒爲上糶燒次之麥燒最下

冬春米

劉沂春縣志云湖米

多用冬春貯草園中至春夏熱透色黃方

油

志葉云烏程劉

開用吳興澤國米之用固以水氣故也

志湖人常食多用豬油惟齋素用豆油菜油間用芝麻

油而燈火止用豆油婦女抹髮則用菜油按菜油用油

菜子所榨豆油則用黃豆二油價每相似雖菜子為本

地土產而價與米等原非賤物不特齋素用之即平時

常得食油者已為溫飽之家劉志云云可想見當時民

殷物阜也又棉花子所榨曰青油市肆每以攪入菜油

油餅

有豆餅菜餅花餅並榨油後所存之渣滓也湖

收棉花子打油其餅可作牛食出南潯按向在淮北見

舟人以豆餅和赤和炊飯飽餐且盛稱其滑美南人則

唯凶年偶取以濟

餓平時無食之者

糖

胡承謀府志云有蔥管糖寸金

人及壽桃鶴鹿之類通名糖味按今有梨膏糖十景糖

牛皮糖等名又有菱蒿糖桂花糖玫瑰糖烏梅糖松子

糖並槌碎用刻花小范

印之成餅五種分五色

經糖即錫糖以糯米麥芽為

潯鎮所出潔白如雪勝于他處藥肆每取以攪

入蜂蜜中售之又有青糖亦錫類而色黑味劣

薰豆

一名烘豆亦稱青豆鹽煮毛豆炭

火烘乾又有帶殼鹽煮曬乾者

豆腐乾

出務

楊

糕文獻云東柵楊宅糖鮮料重按今糕肆甚

徐饅頭

緊酵肉饅向有徐姓以此得名今業此者甚多美惡不一

芋頭餅

以芋頭和麥芽糯粉為之豆沙

和糖為饅一名芽穀餅亦名

鳥腊

湖錄云南潯菱湖但有之而南潯為

佳潯溪文獻云刺毛鷹味甚美取肥肉參者為佳

薰蹄

董志引縣志云薰蹄出南潯者佳色如金

漆百里外皆慕之稱之曰潯蹄文獻云前蹄為上按或

微醃煮熟薰之或用清醬料酒煨透薰之舊用木屑薰

巧肉

巧俗讀如考舊有李復煨爛謂之放酥薰蹄

醬羊肉

市肆以清醬烹羊紅若琥珀惟冬月有之遠近爭購焉按俗以春夏秋羊食青草有毒惟

冬為枯草

喜蛋

即鴨饅飽文獻云羊始食之喜蛋與嘉禾爭勝

李良年吳興竹枝詞日出潯南煙水黃小樓如畫酒

旗長玉瓶細汲春風起吹入糟牀滿店香

曹仁虎潯溪竹枝詞圓蹠珍味數花狔隨處芳筵佐
一樽別有飢盤供軟嚼晶鹽初漉鴨餛飩○糟牀滴
罷各分壘潯水清冷味久含酒旆家家誇釀法梅花
香冽菊花甘

汪延澤偶書俊味登盤琥珀凝百年瑣事舊堪徵淳

于莫晒豚蹄祝市價於今倍荏增

偶閱余家舊時簿
籍康熙中先曾祖

道經潯溪買潯蹄兩隻錢八十
八文僅當今日市價什之二三

董蠡舟潯溪棹歌春愁織管玉苗條獅虎蠻王潑汞
澆又到韶光百五日東風深巷聽錫簫○八月嘗新

秋露清登盤鳥腊味尤精風流肯便輸黃雀脆嚙披
脰太俊生○豚蹄金漆色如新醬和肥羊紅玉春荻
港風菱洞庭橘筠籃饋歲徧交親

趙蔡蘭陵王薄酒一溪碧環抱西吳釀國春波滑新
泛綠醅化作眞珠小槽滴鷺黃好顏色招得高陽醉
客茅簷外青颭杏帘明月清風兩橋側○壺觴感今
昔記少小評量泰黍燕秫醉鄉日月頭將白恁滿引
村酌麴生清味鳧花螳螂總不敵有名士標格○岑
寂翠樽泣只日飲衰絲曾詡歡伯詩仙俊賞難重覓
奈土銼愁煮瓦盆狂吸風流公瑾醞藉處更孰識

隨園

食單以紹興酒為名士又謂

薄酒似紹興而清辣過之

器用之屬

絲篋子

出南柵絡絲所用按

針文獻云出

不減

竹筴

出馬家港

木梳

簿錄云出南柵以黃楊木者佳棗樹次之

剔帚

張睿卿荅紀云此梳頭具也縷竹為之纖如絲髮而圓潤荏苒光緻可玩出南潯王御河海內無二

翠

花

董志云出南柵取翠鳥羽毛為之翠毛來自廣東而鏤刻花鳥極工巧以佐間中首飾

引線

燈

董志云燈用五色紙糊成內無骨子其式不一以細針刺成山水人物花鳥臺殿備極玲瓏每出夜會必

有數十對點綴其間望之絕不覺其為紙也為他處所無

蒲鞋

湖錄云吾鄉蒲鞋不以蒲為之有用

莞草者有用稻草者志彙云今人用蘆花者名曰

考

老出栲

木器

出舨里如算盤錢板燭臺及盃盞之類大小名目以數百計負往他處販鬻謂

之算盤擔

舟

大者曰沙飛船船頂可架戲樓演劇謂之樓船他處所無每年五月二十日官祭弁山黃

志廿四 物產

太

龍洞顯利侯廟例雇此船往山下演劇鎮人婚禮迎娶
必用之曰迎船髹以油漆頭有欄楯者曰圍棚船最小
者曰滿江飛用槳者曰槳船市戶收租之船曰租船亦
曰賬船載貨物之船大者曰裝船小者曰駁船又有陶
墩船亦裝船也農家有田裝船漁家有漁船有載客及
寄書帶貨往來近處各城市鄉村者曰航船吳江蘆墟
一帶舟人泊舟船行之前以待雇喚者曰蘆墟
船江北流民以船為家曰箬包船俗名倒撐船
農具
墾田鑿地溶滿有鐵搭亦稱鐵把有鋤頭有山鋸有鋤
有鑊有水有木車車上有牆有軸有鶴膝有短檣有車
有桶有取泥有泥罽有推鉞載運有糞桶有料杓茭草
有揚把有翻有耘田馬菜場有軸刈稻有鐸束稻有捷
車曝稻有翹籩有擊稻有稻牀曬穀有匾有蘆蓆翻
穀有米肥脫穀有拗杓有簍簍下有牀上有大小二桁
去柄穀有直落篩有拐篩有扇粟有風車車上有風
輪有方斗左右有舌擊屑有連枷削葉有篩春米有牀
有曰有忤俗名曰簍有關撩去糠秕有落白篩有重糠
篩藏穀種有草畚盛米有義袋有拷佬小者有三色有
四升斗有畚俗名攪箕積米有棧板有棧條有草固有
桶有櫃量米有斛有斗有升斗升各有方圓二種有合

筩又有筴容二斗三斗四斗不等并有容六七斗者承
斛及蓋固有脚祇攪斛有斛盪負物有扁擔有牽簦有
背簦有羊草簦膝臨小者有絲籃有梗籃首有蒲帽亦
稱涼帽以遮日又有簪帽體有蓑衣並以禦雨足有蒲
鞋有草鞋漁具網魚有撒網有小網有絲網有布網有扳
竿釣絲釣鉤不用餌者曰神仙釣擊木駭魚曰根錯薪
水中曰叢編竹截流曰魚籬亦曰蟹籬時魚有簍有籃
有桶貯蟹有蟹簦捕鰕有鰕籠取蚌蜆則用泥罾所乘
之舟曰舢舨俗稱只曰漁船又有畜鷓鴣以取魚者曰
木鴨船或取畚箕就淺水岸旁以承小魚曰切魚或袒
臂入水以手取魚或寒月投身入水尋魚穴以取魚並
曰摸蠶具修桑有鋸有斧采桑有桑翦有桑梯貯桑
魚有草墩刷蠶鳥用鶯翎分裁小蠶用尖竹筋俗名蠶快
大蠶用網小蠶貯以蒲簍以竹篩大蠶貯以箕煖音或
以筐以匾所以架匾曰蠶架音禦風以蘆簾以草薦
架山棚有挽有草帚禦寒用火盆擦山棚火及擦車頭
火亦用火盆繅絲用絲車及水缸鍋竈竈有烟囪車上
有方輪有軸頭有竹豁有旋鉤有踏板肥絲之車有絲

眼二絲以二板爲一車細絲之車有絲眼三絲以三板爲一車剝絲有竹環或范泥爲貓形置筐中以辟鼠曰蠶
紡織具 有緯管合絲作經有經車有碌礮厚絲有厚車
然縣線有又有木筵有藍管曬棉花有藍藤晾匾烘棉花有火鑪篩筩去棉花子有軋車車上有木輪有鐵梗
有木根頭亦謂之輪有踏板彈棉花有弓有弦有槌棉條有擀板有擀條一名擀子紡棉紗有搖車車上有輪有軸有弦線有鐵筵有筵管厚棉紗有筒管亦用厚車或卽借搖車厚之經布有經牀經車刷漿有筵帚織布有機有筵有梭機上有上下二軸頭有綜線有提綜竹有竹撐有坐板有踏板

紀官村中老漁溪漲橋成窟老漁俯身出船尾神仙

槳

漁船船尾繫木著水能當一人船任棹不橫俗呼爲神仙槳

船尖短棹疾雨作

煙茫茫網似柳絲密魚樂汝可知汝樂何可覓晴明

樹底眠坐雨同白日

又借庵中稻牀木架彎環竹作棧香杭收穫賴供應
欲描打稻聲中景一紙先聞覓句僧

方熊潯溪竹枝詞馬家港近御河西橋畔巴竿颺小
旂疇昔畫船名載酒而今都換作沙飛

董載昌潯溪竹枝詞樓船開敞作歌臺畫舫爭先占
水隈玉面怕同春漏洩珠簾深處小徘徊○剪裁素
紙兩三層幻出江南第一燈應是針神傳絕技薛靈
芸外更誰能

引線燈精巧獨絕

曹仁虎潯溪竹枝詞歌場開處在蘭艫小部絲簧競
按腔一種眼波看不厭棗花簾子隔船窗○千絲巧

割碧筒疏皇御河邊列市居慣助香閨匳具好玉纖
親剔鏤牙梳

戴宸題南潯引線燈

吳人呼針爲引線其製用沒骨紙以繡針刺孔極細畱其實地

作山水花鳥竹木人物之形間以題詠詩句草書小楷皆仿名人畫本碑帖燭光內映宛如輕紗不讓白描聖一幅驚溪點綴新碧紗籠處細如塵誰知暗度

金針巧不藉吳娘刺繡勻○螺紋織絕認難真清晝
相於玩幾巡借得燭光羣妙現此中端合有針神

丁源別帶鏡臺春日試妝新萬縷柔筠色似銀斜插
玉釵撩鬢影隔簾香落射臍塵

沈謙潯溪雜憶詩舵樓燈火市梢懸箇箇來論賃鋪

去聲錢此去蘇杭程二百不須望斷夜航船

汪延澤偶書梳篋瑣品劇玲瓏筠剪藤纏飾綵絨一

曲廣陵今已絕難憑方志考專工

皇御河剔帚載於府志余自嘉慶已

卯春始居此地時業此者僅存兩家未幾一家他徙閱數年一家又遷往交界壩橋

董蠡舟溇溪棹歌罔柵欄檻照波鮮水國家家具畫

船只少吳孃好身手兩枝柔艣蕩涼煙○良工綴出

翠纖纖失喜香奩首飾添左右鬢脣垂匄葉一翹低

壓黛雙尖○玲瓏剔帚費雕鏤鬢髮生香蘸菜油如

鏡墨溪光照戶棗花簾底坐梳頭

董恂溇溪棹歌沙飛船住水中央船背高臺篋篋張

今日里中太平會耳邊烏鑿正登場

市中以沙飛船演劇酬神謂之

太平會 ○也如刺繡倩針神引線燈明巧樣新趁得落

燈風未起元宵鼓鬧六街塵

薪蒸之屬

草柴

溥人多以稻稈為薪亦曰稻柴又或用麥稈曰麥柴所出甚少

桑柴

用樹木曰硬柴樹枝曰槍柴有栗柴松柴雜柴又有茅柴松毛柴皆來自西鄉山中惟桑梗柴為本地所出

菜梗柴

油菜收子後梗可為薪

礬糠

以風箱扇之火始熾

煤餅

煤出西鄉

山中此以煤屑為之

炭墜

俗稱炭基炭亦出西鄉山中此以炭屑為之

碑刻一

汪曰楨撰

南潯鎮志廿五

宋

米芾書殘石

無年月行草書石藏南柵孫履元家上半斷去唯存下半準今戶部尺廣一尺七寸五分

高七寸六分十五行行五字至七字不等字徑一寸左右文不錄

孫履元跋咸豐壬子得此石于墨溪淺水中漫漶已甚
唯首行得清歌發皓齒一句餘皆不成句讀後二行題
款曰中岳外史米元章致爽軒書字獨完好按元章居
潤州自稱海岳外史嘗乞監中岳廟又號中岳外史此
蓋乞祠後書也

朱仁福墓碣

宣和二年石舊在西柵嘗四圩今佚據潯溪紀事詩注載文

大宋宣和二年三月一日遣中書

侍郎許將
舍人劉珪

賜葬從事官

朱公仁福之墓長男柟號友山舉進士任四川茶馬都大
提舉司次男林號□□係貢士任建康府通判時逆權貴
退居潯西嘗字四圍圖墓石街巷明月橋建祠傍墓□□
□□佛號法通送司印押使朱氏子孫世世薦福奉祀太
學生孫男□□同百拜謹立石

按此碣後人偽撰其謬不可勝言仁福葬嘗三圩石
街巷仁福之孫俊曾孫庇理則葬嘗四圩妙境庵後
碣乃在俊墓前不在石街巷謬上仁福從征方臘歿
于軍中臘反在宣和二年十月而賜葬乃在三月謬

二碣稱中書侍郎許將舍人劉五薦福祠勅牒則云
侍郎劉珏中書許將同出偽撰復相歧互謬三從事
郎者階也乃稱從事官與偽勅牒同謬四朱氏譜仁
福子宣宣子俊俊子庇理庇理子四曰松椿枏材是
枏材並仁福元孫且上有兩兄今材誤爲林稱長男
次男勅牒又稱長孫男次孫男謬五逆權貴云云出
于他人敘述則可乃自述其事大書深刻謬六據朱
枏厚德遺言爲庇理立田營墳建庵送司印押在咸
淳五年初與仁福無涉乃於一百五十年前先已勒
文于碣謬七末稱百拜明人始有之宋時所無謬八

潯溪紀事詩注及范志已嘗致疑而說未詳盡故復

綜括而辯之餘詳祠墓

祇園寺碑

紹興二十一年石舊在寺中今佚據吳興藝文補載文

潯溪祇園寺莊田記

左朝奉郎簽書江陰軍判官廳公事賜緋魚袋丁昌朝

撰 右通直郎前福州懷安縣主管學事兼勸農公事

練汝舟題額

此上二行藝文補不載今據吳興備志

釋氏之教本於清淨寂滅平居恬養得遂其性者以香積
霑足故也苟無常產則香積不足以充晨昏而欲使之安
於清淨寂滅難矣是宜奉釋者褻然爲首以興莊田之利

也去

淳溪紀事詩注作雪

城之東有塘曰荻不及三舍有溪曰淳在

淳之北有寺曰祇園楊公保義之所椎輪是時百廢未舉

及法照禪師悟老勉從其請來自車溪經之營之不及五

載而落成獨常住匱乏若懸罄然未足以容眾叢林

紀事詩注

此下有之

杯渡而至有及門而不能畱者有畱而不能久

者往往飛錫而之他住持悟老長慮卻

紀事詩注作之

顧思買田

以資歲計志未得也有信士朱公道留者畱心內典樂施

利益一日悟老以其誠告公曰無難吾當辦之居無何迺

命二子仁佑

紀事詩注作祐

仁寵捨田貳拾畝爲之倡其仁寵將

仕又能從父之命廣募士庶量力而施以所得之貲增益

其數不踰歲月遂成一夫之田田

紀事詩注下田字作居

皆膏腴無

旱潦之患自茲以還歲儲贏餘晨夕所不給者今無有也

四方清眾雲集而憩息焉朝於斯夕於斯精修禪定恬養

天性一境之內薰炙而善良者不可勝計蓋公之惠有資

於釋

紀事詩注此下有氏字

故也乃若佛殿之建適會

紀事詩注作今歲歉

公又出粟以助其役浴堂湫隘

紀事詩注作湫

卜其爽塏公又樂

施更以石爲輪

紀事詩注此下有貯字

藏凋弊閱時浸久公又命工

以繪

紀事詩注作繼

以續凡此皆利益之廣者則公之所惠豈止

一時將施後世無窮也而蒙福豈止一身將貽子孫不泯

也其與童子聚沙爲佛以成勝因貧女奉錢入緣以爲善

果相屬矣悟老與其徒感公之德無以報相與立祠繪公
夫婦像朝夕瞻仰又屬昌朝爲之記昌朝應之曰公之仁
賢樂施人所講聞其來尚矣何事於此悟老曰口耳之傳
豈能久乎綿歷歲時將遂湮沒孰若形容盛美以刊諸石
庶幾有永昌朝應之曰悟老之言是也安敢愛斐陋之文
紀事詩注此下有紹興二十有一年五月望日謹記祇園
教寺法照禪師立石二十三字吳興備志但云紹興二十
一年
立

沈登瀛南潯備志碑言寺在潯北可爲潯溪卽今運河
之證係義郎武階秩正九品見宋史職官志則楊公宋
人也據此文寺實創始宋代舊志謂建于唐貞觀初未

知孰是范白舫丈所刻潯溪紀事詩附載是碑末多二
十三字不知本何書又字句多誤如輪藏凋弊輪下多
貯字以繪以續繪作繼夫輪藏轉輪藏也以木爲之外
加丹漆故曰凋弊曰以繪今加貯字則以爲貯藏矣貯
藏之所無庸繪畫不得不改爲繼字且旣加貯字則句
首輪字爲贅應屬上句然浴室更以石爲之夫人而知
之石輪何爲哉

接待懺院公據碑

嘉定十一年給據十三年立石正書在南柵報國寺山門西側高三尺六寸四分

廣二尺文十行據拓本載文

口鳥程

兩浙金石志此二字泐

口口澤鄉南林口口口僧宗偉狀

竊見南林

金石志此二字泐

一境係平江嘉興諸州商旅所聚水

陸衝要之

金石志此字泐

地乃衲

金石志脫此三字此上第一行字徑四五分下同

子雲

遊去□□□諸

檀越募緣創立屋宇數十

金石志此字泐

建

置佛像今粗圓備專一行道爲

下空九格此上第二行

國焚修

金石志此三字泐

延□□□今欲照

金石志此三字泐

本州東門

接待院及迎

金石志此字泐

門外半塘接待院等處體例乞出

給公據并版榜印記付

金石志脫此三字

本院收此字泐

□□接待雲遊去

金石志此五字泐

□乞

金石志此字泐

送案照例出給

金石志此字泐

據

金石志此字泐

印記版榜

金石志作張

掛施行庶得僧

行安業熏修永報

下空三格此上第四行

志廿五

碑刻一

恩德奉

□郡提

金石志此字泐

舉台

金石志此字泐

判行須至給據者

此上第五行

右今出給公據付烏程縣震澤鄉南林接待懺院仰

金石志脫

此字此上第六行字徑寸餘下同

收執照證嘉定十一年四月

湖州印

日給

此上第七行印方一寸五分

儒林郎觀察支使李

有押此第八行上截字徑七八分

承事郎

簽書節度判官

金石志此六字泐

廳公

金石志脫此字

事趙

押泐此第

八行下截前十二字共徑五寸廣一十六分趙字方一寸六分

朝請郎通判軍州兼管內勸農事單

押泐此第九行上截前十

三字共徑五寸五分廣二寸四分單字方二寸四分

朝請郎權知軍州兼

管內勸農事趙

有押此第九行下截前十三字
徑六寸廣三寸趙字徑二寸五分

嘉定十三年歲次庚辰九月十□□持僧

宗偉立石

金石志脫
此十二格

本院□

金石志
作徒

弟□

金石
志作

僧

妙通

妙達

烏鎮吳洪刊

此上第十行
字徑四五分

阮元兩浙金石志

接待院大約如今時叢林之例故不

一其處據宗偉狀當時必有囂喧之擾故請照例出給

庶得僧行安業熏脩也

孫履元跋

接待院不知其所自按癸辛雜識續集杭之

北門接待寺寺額乃吳傅朋書勅賜妙行之院府志烏

鎮天台廣福院宋慶

歷二年建致和中改爲接待院元

至正中改今額又接待寺在府城東迎春門外每歲郡
守迎春率僚屬宴集接待院大率爲接待雲游衲子之
所旣得賜額然後以所賜額名其寺此碑所謂接待懺
院卽報國寺是也報國寺爲宋僧宗偉開山宗偉于開
禧間來南林始結草庵居焉繼得眉山楊公之助創立
屋宇建置佛像已粗圓備然斯時猶未得報國寺額故
第稱爲接待懺院也東門半塘兩接待院公據已無可
攷賴此碑歸然獨存猶可見當時公據體式碑後題銜
儒林郎觀察支使李與承事郎簽書節度判官廳公事
趙其名字皆莫攷簽書節度判官廳公事者雲麓漫鈔

云諸道判官資歷未至第曰簽書某軍節度判官廳公
事是也朝請郎通判軍州兼管內勸農事單者府志州
縣表有德清縣單端士慶元七年任與此相距十七年
疑端士始知德清縣後復通判湖州如朱希顏亦于雷
宗時知歸安縣尋又通判湖州也朝請郎權知軍州兼
管內勸農事趙者郡守表有趙善湘字清臣濮安懿王
五世孫嘉定十年十月以朝請郎到任當卽其人至十
一年四月丁憂去代之者爲陳汶于五月到任公據給
于四月故猶題趙善湘銜

蔣懿跋右碑云欲照本州東門接待院及迎口門外半

塘接待院等處體例乞出給公據談鑰吳興志城門舊

有九所今門為六東曰迎春西北曰迎禧俗呼清塘門據此

迎下當是禧字碑後署押者四人惟權知軍州趙善湘

宋史有傳其書通判軍州單姓從尖口字書所無高彥

休唐闕史載進士單長鳴辨字謂單从尖口音丹單从

方口音善此碑單字豈亦當讀丹音歟

接待懺院公據碑陰

端平元年正書分三層據拓本載文

密公山主捨田園記

額四行行二字字徑一寸七八分

南林報國寺

本寺伏承烏程

缺

灣餘慶庵

缺

震

缺

置到

缺

承

缺

無口之

利遇缺祖考缺追嚴及缺界缺忌辰缺刻缺成規嚴與修

□毋致更易缺關請時思庵法眷僧眾拈香□明□幾圓

滿願心不昧因果者

端平改元二月 日監寺僧廣宣立石

勤舊 淨月 淨明

頭首 廣□ □達

知事 行清 德暉

□山住持 宗偉此上第一層十八行行十六字字徑五六分唯

首行南林報國寺五字末行
□山住持四字徑一寸左右

一缺太安缺一會缺檀缺檀缺食缺文缺者缺一三月

缺考社口念一承事忌缺一缺設位供養缺陳氏六口

娘子缺設位供養口口堂供飲食缺羹飯缺每僧缺行

缺

右具如前

缺日監寺僧 廣宣缺此上第二層行字不可計字徑五六分下同

缺伍缺宅缺報國寺收缺口定五年七月缺貫式伯缺

拾肆步潭壹伯式拾缺開具分缺

缺日監寺僧缺具此上第三層

孫履元跋密公山主疑本鎮人而出家于餘慶庵者因以田園捨本鎮報國寺而報國寺僧為其俗家修齋供

以資其祖考冥福也勞鉞府志餘慶庵在烏程縣東北四十里時思庵則在縣東瓜溪

端石碁枰刻字

紹定四年石藏西柵紀南枝家高一尺九寸七分廣二尺二寸據拓本載文

有宋紹定辛卯六月既望刻石

此行正書在背面字徑七八分

雲溪隱口氏小蓬萊碁局

二行行五字正書字徑八九分泐文似是楊字

明嘉靖癸亥紀泉石改制

二行行五字篆書字徑寸許已上四行在正面四圍花邊外

紀官重得石枰記稼庵董子之庭有石承簷溜久矣傷

忽露文曰紀泉石董子偶詣余語及余驚喜曰此余五

世祖也余祖泉石公生成宏以後海內晏安士大夫敦

尚恬退或講學名山或園亭碁酒而我公得交一時之

望至今出所藏筆墨想見古人董子曰必先世所假也
異哉當歸子矣既以事未果辛未春余晚自茗來此石
已置齋中燭而視其文石背爲宋紹定四年而改製爲
嘉靖癸亥也名曰小蓬萊碁局石質細潤刻畫亦工追
憶我公訓子餘閒構樓三楹蓄琴書北窺洞庭西見溪
塘帆葉庭下富卉木奇石諸名士觴詠自適錚然落子
處也余童子時尚覩遺址未幾而滄桑不可復問當時
同游諸公雲舒霞散而片石巋然獨存感而爲之記
又江兄處小蓬萊碁局宋石刻改製余五世祖舊物也
慨然見贈詩以誌之名士當年喜共遊胥臺遺翰壁間

詩堂東壁有袁肖臺飲紫薇花下酒樽空後詩還在基

詩筆墨秀逸題嘉靖癸巳秋

局存來陣已收石背殘文書紹定松陰落子到瀛洲後人莫作偷閒會相對須教第一籌

施國祁小蓬萊石碁局說乙丑之秋過石溪紀君齋中君云某去歲自他所得石碁局一刮垢磨光喜爲遠祖泉石公物嗣于架上又檢得從祖餘素公詩記與此石合因綴小記以述兩世蓄石之由且製高几度而陳諸座間遂并出以示屬余記之余觀石色黝紫理堅滑叩之其聲琅然清越以長石體平方帶縱面線縱橫刻皆二十得小方三六一其修廣闌刻制度並詳自記中惟

君上世富二秀公于元大德間始自句容來居潯上在
無錫華氏後高郵張氏前久爲吾里望族厥後子姓益
顯且繁其嘉靖癸亥改製此局構齋以藏者爲泉石翁
君九世叔祖也越百餘年康熙辛未重得此局作詩以
記者爲餘素翁君曾伯祖也又百餘年君復于今嘉慶
甲子三得此局殆古人所謂緣熟者摩挲拂拭顧而樂
之有時清簾疎簾與客對手子聲錚錚覺松風嘒然復
絕塵世司空表聖花院石幢二語可爲移贈若小蓬萊
之名見陶穀清異錄爲違命侯園池又見楊誠齋江湖
集爲伊族彥通所居吳文英有賦楊公小蓬萊尉遲杯

詞又見武林梵志周草窗過南屏有詩皆非也又鐵厓
記云雪水之上子城之中有道士宮曰元妙聞人師居
軒具在而以小蓬萊自命又有寄小蓬萊主者聞梅
磻詩見于東維子集又雙林鎮南約十里地名盛林山
有土阜高三丈許爲盛溪莫公墓不知何人也墓東高
處有閣三間題曰小蓬萊皆近是特是紹定片石雲溪
裁爲墓局刻氏制名似無可疑無如隱下一字磨泐不
可攷且鐵厓記文莫君墓舍與君先世皆不甚關涉究
不知雲溪爲何人小蓬萊爲何地則梅磻軒與盛林山
又未敢執議然此局之轉徙淪落完璧無瑕每踰兩甲

子終出而爲君家三世寶藏試思坡翁之雪浪米老之
研山尤海內所震耀暴著者果能傳世如是否豈不大
奇且貴乎哉君嘗屈指言南宋辛卯至今垂五百餘載
更閱十數年得庚寅六月之望算周六百當爲大設湯
餅筵徧致名士如白陽肖臺輩并效衡山賞菊故事訂
文角局把酒徵歌爲此石壽以無忘兩祖之手澤計余
是時雖癯老庶幸覩此豪舉或能爲君家三世作頌云
惟是人地名攷無可臆證他日當有博雅君子出必能
辨泐石而詳書之敢不推枰袖手以俟

按紀峻自記今未見諦審蝕文

確是楊氏似楊彥通近之

報國寺告示碑

紹定六年給示端平元年立石正書在報國寺山門東側高三尺二寸廣一尺七寸

文二十四行據拓本載文

行在尚書禮部

此第一行字徑一寸

據兩浙轉運司申契勘本司近據安吉州烏程縣烏鎮普

靜寺管事人陳椿狀本寺昨因徒眾避免常住執□□□

□□□

此上第二行字徑五六分下同

庵本寺無僧焚修香火□經使司

陳請得蒙給版榜坐簿付寺□定知庫次第□應因僧懷

信住南林私庵不□□□□□

此上第三行

本司

□□僧人事

頻數紊擾□府牒□□官詳狀本司備牒安吉州主管官

詳狀具狀供申未到間□□尚書□□□□□

此上第四行安

吉州烏程縣南林報國寺知事僧□暉狀訴烏鎮普靜寺

離僧靜覺等爲見本□僧妙達等□披剃寄帳其寺□□

□司此上第五行平□□□德暉本寺老疾□妙達係指定輪

當知庫買倩頑徒陳椿經運司妄作私庵□許□判□下

奔□□□囑□□□此上第六行牒本縣□□□奉□判證

□陳符本州主管司如果隔越虛詞卽與從公究治施行

□□□□□運司證□□□本此上第七行部除已卽次

□□□□□承直點計出家子□□四方大畧如行雲沓

水□何定籍□可拘今報國寺僧□□□□□此上第八

行雲遊之比然向之庵舍□□請此上第九行

勅額爲報國寺矣寺必□□□亦輪汰充知□□□豈

能又充普靜之役兼兩寺相去隔遠肆拾餘□普靜□□

□□□^{此上第十行}少何苦必欲妙達一人歸□□□□□□

□寺僧淨□□□□糾舉其它庵舍已爲□□之資妙達

之徒適有□□□□^{此上第十一行}者出而拒之不肯少從其

所□□□□□□已文郁老□白合歸休林下□□淨覺

□□□□謂□□□□□係□□□^{此上第十二行}乞嚴判令

普靜每歲□□寺□中輪差知庫不得生事紊擾官府違

追管事人斷□□□□□□□□□□□□□□^{此上}

^{第十}知郡寶章書判甲乙寺院□□□□□僧汰承管幹

俱爲把持計妙達雖係籍於普靜□□已隸於□國普靜

□有簿□□

此上第十四行

□亦各得其志可也文郁年老不知

死恃充住持妄有詞訴直經

省部必欲强妙達乞爲知

庫遂□□漕臺□□□□

此上第十五行

州追究其實不在糾

之使□□實在於騙乞之不從也況報國非私庵縱是庵

舍亦合聽其自便□□擅行不□伍□□□

此上第十六行

正不

必拘泥於此若文郁猶有後詞則是此寺不可主持卻與

□作十方本州自□主盟一方香火□□振起妙達以□

□

此上第十七行

不出官德暉以報國知事而來初亦无可究實

者兩名並放併案官牒□申

漕臺取指揮州司□□將

僧德暉□□□□此上第十八行疎放外申乞照會本司判送簽

廳據本司簽廳欲備申部取指揮所□具申下空十八格此上第十九

行省部取目指揮施行申部乞指揮施行尋呈奉判呈

除已具呈再奉下空二十格此上第二十行

台判符從行須至符下安吉州□□外須至指揮此上第二十一

行右告示僧德暉等詳此知委此上第二十二行字徑八九分

紹定六年十一月尚書禮部之印日此上第二十三行字徑一寸左右印方一寸六分

端平元年九月日監寺僧德暉住持僧

宗偉立石此上第二十四行字徑七八分

沈登瀛南潯備志南宋雖都杭州止稱臨安尚書省亦

稱行在示不忘中原之意不稱省者省文也

孫履元跋兩浙轉運司據咸淳臨安志云太平興國三年錢氏納土始置轉運使熙寧七年分浙東西爲兩浙路轉運使于杭州置司舊治在雙門之北爲南北兩衙今徙于湧金門南爲轉運司其轉運司簽廳在本司內卽此碑所云本司判送簽廳本司簽廳欲備申部取指揮者也

報國寺碑

端平元年撰記嘉熙元年立石正書在報國寺山門東側高連額四尺一寸廣二尺一寸文二十

十三行據拓本載文

安吉州烏程縣南林報國寺記

額六行行二字字徑三寸奇

安吉州烏程縣南林報國寺

此上第一行字
經六七分下同

奉議郎

吳興備志作祕

書省著作佐郎兼四川制置副

使司參議官李

心傳

謨

此上第二行

朝散大夫起居郎兼侍講李

性傳

書

此上

第三行

朝奉郎試中書舍人兼權吏部侍郎兼同修國史

吳興備志史下衍院字

實錄院同修撰洪

咨夔

題

蓋

吳興備志蓋誤額此上第四行

白

張志董志澤錄淳溪紀

佛法入中圀而海內

湖錄誤南

山水

董志紀事

名

吳興藝文補兩浙金石志南潯備志誤之

勝率為浮屠氏有之逮

隋唐而尤盛

湖錄誤甚

今六

張志誤凡董志紀事詩注誤九

百季矣澍俗好佛

故阿蘭若之在浙者滋益

藝文補湖錄董志紀事詩注脫此字

多餘為史官

此上第五行

時有介

金石志誤入

僧宗偉來見者曰吾

湖錄董志脫曰字紀事詩

注曰誤云脫吾字

永嘉人開禧間尋師學道至湖烏程之南林菱

其風土結中菴屋焉昔未祝髮也南林一聚落耳而耕

此上

第六行

桑之富甲于浙右土潤而物豐民信而俗阜行商坐

賈之所萃而官未嘗譏征焉此宜為帝釋

湖錄誤室

梵王之宮

而未

金石志誤木

多有也吾嘗血指書

此上第七行

報身佛所說經

一七

張志董志薄錄紀事詩注誤一十

卷口不絕誦

張志脫口字絕誤記金石志絕誤訖湖錄

誦誤頌董志薄錄紀事詩注脫此四字

鄉人胥信乃相與築祈年之地今數

文閣學士眉山楊公時領

金石志此字泐

祠部益捐

張志誤蓋捐董志誤蓋捐

金錢以為吾助由是佛

此上行第八字

法僧之所寓經鐘財之所

舍與其他所目

董志紀事詩注脫此字

為叢林之制者次第

藝文補誤築

而舉又度吾之徒積十有六人俾傳香火之奉願獨未有

以名之也

此上行第九字

迺請于禮部

湖錄脫此字

得報國舊額而扁

藝文補湖錄張志董志潯錄紀事詩注南潯備志誤名金石志此字泐

焉因求余文以措

補誤諸湖錄張志董志壁而余為儒者也自計不當放浮

屠氏

湖錄脫此字

之言久未之許已而余鹵歸得請

藝文補治脫此字

艦此上行第十字

于湖偉求不已余盥其書而

董志脫此四字湖錄脫而字藝文補

湖錄潯錄紀事詩注南潯備志盥誤覽

歎錄藝文補潯誤難

曰國家立郡縣之學以

明人倫此儒者所當務也而庠序之設

湖錄誤說返錄張志董

志傳錄紀事詩注南潯備志誤反

弗湖錄張志董志紀事詩注誤勿

若僧廬之盛張志董志紀事

詩注脫此二字

何哉為浮屠氏者

此上第十一

行心志專勤願力堅固故

以誅茅刈卉衣荷食檜之餘而金碧

紀事詩注誤暈翬飛土木勝

麗成於年歲之頃

董志紀事詩注脫此六字

通都大邑或以百數而未

已也若郡縣

此上第十二行

之學一耳而為政

金石志誤牧

者往往眎

為弃物曾不訾省

董志紀事詩注脫此四字

惟園亭館宇之為

董志紀事詩注

誤尚甚弗

湖錄誤勿張志董志

獲已始

董志紀事詩注誤捐其文藝

補湖錄南潯備志誤弃張志

藝文補湖錄張志董志金

董志末以為支傾補壞之計其邪

張志董志潯錄若一也

浮屠此上第十三行氏之徒其用財也一髮不欺以為欺則有報

也故人亦信之而予之也易甚或空囊鉢之儲而無所斬

今之教者莫大於天金石志誤夫子之學此上第十四行矣而養弟子

之費或乃移之張志董志紀事詩注脫此四字以供校官之雜費至於郡

縣之間則周親故資游謁入私用者無不有矣其弗湖錄張志

董志紀事詩注誤勿若二也藝文補湖錄簿錄紀之術非可此

第十行用此字以理天下國家金石志脫此字者也金石志然其

徒之教人乃顓張志紀事詩注誤不顓董志以識心見性為事而學

校之所謂張志董志簿錄紀課試者特不過為聲病湖錄脫此

字剽竊之文以償利祿溫飽之此上第十六行願湖錄張志董志

誤而巳蓋皆浮屠氏之唾湖錄唾上行所字董志紀事詩注唾誤吐棄而不顧

者故口藝文補湖錄南潯備志脫此為士者亦耻居之其

弗湖錄紀事詩注誤勿若三也今偉之營是利也紀事詩注

一錢之施弗湖錄紀事詩注誤勿敢私有銖積寸粟汔藝文

錄張志董志于此上第十七行成就世俗之士當知所

愧而又奚議哉董志紀事詩注誤焉昔罔口師湖錄張志董志缺此

為崔趙公言出博備志作昔國一師金石志作昔罔師脫

家是大丈夫事非將相之所能董志紀事詩為李文公問

藥董志紀事詩注誤藥山戒定慧之說藥董志紀事詩注誤山云欲

湖錄脫保任此事須金石志高高山頂立深溪海張志董

詩注底行閨閣藝文補湖錄張志董志金石志中物捨不

得便為滲漏今之士大夫考其所為滲漏湖錄行多矣故

名雖湖錄行將相而寔不此上第能為董志紀事詩大丈

夫此浮屠氏湖錄行所以下視而高勝之也余歸伏董志

詩注脫田里方張志董志潯錄紀將營葺鄉校與門人朋

友講習其間金石志以淑一鄉之士蓋嘗感于欽張志誤

欲儼此上第之言而猶思其弗張志董志潯錄逮也故因

偉之請悉紀事詩書張志董志紀事余所感者遺之俾歸

刻之傳示金石志四方庶有倣也張志董志紀事端平元

年秋八月吉日董志紀事詩記此上第二

口似是大字金石志脫宋嘉熙元年歲次丁酉三月清明日開

山住持僧

宗偉

立石

此上第二十二行

勤舊德政

德暉

守中

頭首

廣宣

廣

聞

知事

淨明

淨月

浮玉王

震摹刊

南潯備志誤刻此上第二十三行德政等人名字畧小金石志脫此行

董斯張吳興備志李心傳字微之隆州人道傳性傳兄

也魏了翁等二十三人交薦寶慶二年以布衣詔爲史

館校勘歷工部侍郎奉祠居湖州按宋史心傳居湖州

張攻道傳性傳俱寓吳興心傳宦蹟僅判成都府四川

制置司參議初未嘗蒞潮陽也何故違其二弟獨萬里

乘桴冒蛟鱷之險耶今南林報國寺碑亦心傳撰性傳
書宋史以湖爲潮誤矣○閔元衢曰李舜臣子心傳道
傳性傳心傳官太史游吳興悅山水之秀寓于郡城卽
今安定書院又相度弁峯建宅營墓名其灣曰太史灣
歿後以道傳子獻可爲嗣遂爲吳興人後徙長興之東
山張嘗據癸辛雜識及報國寺碑正宋史之誤近得康
侯所示長興李氏譜自謂差有讀書眼耳

阮元兩浙金石志南潯古名南林惟見此碑舊志云端
平中學士陳益建此云睂山楊公捐金錢以爲助當從
碑爲正李心傳字微之號秀巖井研人弟道傳號東窗

性傳號鳳山洪咨夔字舜俞於潛人嘉泰進士知龍州
除祕書郎遷金部紹定六年爲禮部郎官除監察御史
進吏部侍郎同修國史又兼給事中陞侍讀以病乞閑
拜端明殿學士領內祠卒諡忠文

沈登瀛南潯備志李心傳見宋史儒林傳性傳字成之
號鳳山嘉定四年進士歷幹辦行在諸軍審計司遷武
學博士累遷起居舍人兼侍講理宗朝遷起居郎兼國
史編修實錄檢討淳熙五年拜端明殿學士簽書樞密
院事兼權參知政事尋同知樞密院事未幾落職與郡
寶祐二年以觀文殿學士致仕卒特贈少保周密癸辛

雜識云穆陵李鳳山參政本蜀人後居霅因創南園以爲遊遨之地中有傑閣曰懷岷穆陵御書潯溪紀事詩注載此文本湖錄間有改竄今六百年矣句六改作九案自唐初至宋理宗時正合六百之數若上溯九百年則在東西晉之間與上文無著倘以佛法入中國計之則千二百年矣亦不合

孫履元跋碑已中斷董若雨先生報國寺秋霽詩云孤村危閣立漏日斷碑明則碑在當時已斷矣阮文達公撫浙時撰兩浙金石志時范白舫先生適拓碑報國寺而錢竹汀少詹舟過南潯因以拓本付竹汀竹汀攜

寄文達於是報國寺記華七府幹布施記接待懺院公據及長生講院碑四種遂著于錄然仍有譌闕碑陰亦失載卽此碑二十三行旣以爲二十二行蓋末行失拓也碑記宗偉于開禧間至南林愛其風土始結草庵居之又云眉山楊公益捐金錢以爲吾助所以爲叢林之制者次第而舉迺請于禮部得報國舊額而匾焉按嘉定十一年接待懺院公據已稱創立屋宇數十口建置佛像是嘉定創院之時端藉楊公之助惜其人無攷接待院之改爲報國寺始見于紹定六年禮部告示碑其得報國寺額當在嘉定十一年以後舊志旣誤楊公爲

陳益又以寺爲端平中建蓋未嘗細讀碑文也

蔣徑跋碑云今敷文閣學士眉山楊公時領祠部益捐金錢以爲吾助此追述宗偉初設叢林時語也攷宋史端平以前無眉山楊氏爲學士者惟楊簡傳嘉定元年兼禮部郎官寶慶元年授敷文閣直學士其前後歷官

與此碑合但係慈谿人碑云眉山豈其舊望歟

楊誠齋集附錄

子長孺幾文閣學士按誠齋吉水人系出漢太尉楊震後與眉山無涉又蘇文忠贈文長老詩刻有眉山楊汝明題識中興館閣續錄汝明嘉定十二年權禮部侍郎檢四川總志通志並未嘗除學士雖貫眉山恐非其人

按碑題三月清明日攷是時用鮑澣之開禧術附楊忠輔統天術以行今以二術推是年三月並壬子朔

三日甲寅清明

報國寺碑陰

嘉熙元年正書分二層上層三十一行下層七行據拓本載文

檀越施田地名銜

額平列七字字經一寸六七分

南林報國寺

此上層第一行字經七八分

山門伏承

此上層第二行字經五分下同

檀越張宅東位太安人吳氏生前置田壹拾畝入常

住收租供眾立位牌入祠堂供養往生

此上層第三行佛

界者

此上層第四行

檀越清河三四運屬生前捨地壹伯肆拾步圓就三

門基址立位牌入祠堂永遠供養

此上層第五行

運屬張公 孺人卜氏僧行朝夕熏修追悼二位

神儀往生淨土者

此上層第六行

檀越 作院昨用錢置到陸大名忠翼惶字參園產

地壹伯步捨入本寺圓就

此上層第七行

千佛寶閣基址所集功德追崇

此上層第八行

亡者生天保佑見存獲福切慮捨地之後知事更

易不常

此上層第九行

官員入寺修崇之時間有無知行僕以捨無息爲

辭公然滅裂有失追嚴之禮今又承添

此上層第十行施

淨財官會貳伯貫文入本寺長生庫營運依寺門

躰例貳分伍厘抽息歲計息錢陸拾

此上層第
十一行貫

文其息錢作伍次關歸常住貼助修建功德貴得

縣遠不致誤事

此上層第
十二行

今立定規式劃一事例如后

此上層第
十三行

一七月二十四日

先考輅院張公愍忌常住齋僧

一堂僧眾諷誦佛說阿彌陀經各一卷

此上層第
十四行

呪食一中

此上層第
十五行

一三月初六日

先妣孺人盛氏遠忌之辰常住齋

僧一堂僧眾諷誦佛說阿彌陀經各一

此上層第
十六行

卷呪食一中

此上層第
十七行

一七月十八日 繼妣恭人耶律氏遠忌之辰常住

齋僧一堂僧□□誦阿彌陀經各一卷此上層第
十八行

呪食一中此上層第
十九行

一三月二十二日 亡生母太君周氏遠忌常住齋

僧一堂僧眾□□佛說阿彌陀經各一此上層第
二十

卷呪食一中此上層第
二十一

一二月初七日 婆婆周氏慶生之辰常住齋僧一

堂僧眾持誦□□吉祥陀羅尼神呪此上層第
二十二行

經各一卷壽香壽燭回獻本命星君百年報滿之

後改日修崇此上層第
二十三行

一每遇忌辰就法堂設位供養果實飲饌香燭紙馬

務要如儀

此上層第二十四行

一每遇忌辰先期一日關報請官員入寺拈香證

明

此上層第二十五行

右立合同文字二本內一本納本宅照應內一本付寺

內交割仍刻石存照煩當代主首知事

此上層第二十六行

盟毋致更易者

此上層第二十七行

嘉熙元年七月

初七

此二字上鈐報國寺記方一寸五分

日合

同存照

此上層第二十八行

勤舊

守中

下有押凡人名字較小下同

廣聞

有押

頭首 德暉有押 廣宣有押 知事 淨月

押 淨明有押此上層第二十九行

住持 宗偉有押 立石此上層第三十行

捨地檀越成忠郎新監鎮江府都作院張下有兩押

王震刊此上層第三十一行

於塔檀越蔣十四將仕名思聰同妻顧氏一娘備錢置田

壹拾畝入常住遞年收租修設供此下層第一行佛齋僧功德

保扶各人身宮康泰福壽增崇凡在時中吉祥如意者

此下層第二行

張十六公名尋捨田叁畝收租并新會貳拾阡入庫出息

遇七月十九日生辰齋僧保安平善者

此下層第三行

潯溪張乙郎名世富捨田叁畝收租置油供養大佛殿三

寶聖賢祈求平善者

此下層第四行

當鎮檀越華百乙太君名沈氏一娘捨到堀墟村祀字

園田柒畝叁角并嗣字三園田三畝壹

此下層第五行

拾壹畝本寺收租供眾每遇十一月初五日生辰看經

填僧上壽所

華氏傳芳錄誤并

冀此下層第六行

見生福壽康(甯)他報

二嚴尅備

此下層第七行

孫履元跋右碑陰所稱長生庫本始于寺院司其事者

謂之庫子亦曰主庫逐年轉利以供所需故有庫子逐

月將簿書詣方丈知事簽押者見于臨海縣寶藏巖長
明燈碑蓋長生庫盛行于斯時也陸游老學庵筆記云
今僧寺輒作庫質錢取利謂之長生庫至爲鄙惡予按
梁甄彬嘗以束苧就長沙寺庫質錢後復贖苧還于苧
中得金五兩送還之則此事亦已久矣庸僧所爲古今
一揆可設法嚴絕之也